

武甯縣志卷之二十二

武甯縣知縣粵東何慶朝纂

封爵

星拱惟辰水比於地帝王象之宅中而制列爵分封以重藩衛柳峯嵯峨修江迢遞幾世幾年河山帶礪艾侯聽矣風流淹替劉敬王愍約畧可志海昏西安時與時廢姓名爵里盟府所記曷竹曷符穆然古義作封爵表

始封

世次

國除

考註

漢海昏侯劉賀

漢書武五子傳賀昌邑哀王子初襲封天漢十三年徵為昭帝後立二十七日廢歸國元康三年封海昏侯食邑四千戶神爵

按漢獻帝建安四年初海昏置西安縣則此時武甯尚屬海昏地故海昏侯首列封爵

武甯縣志

卷二十一

封爵

四百二

漢海昏侯沈戎

三年薨坐故行淫辟不得置後元年即位始以子代宗嗣封宋書沈約自叙戎字威鄉九江壽春人仕州從事說降劇賊尹良光武嘉其功封為海昏縣侯辭不就

吳西安鄉侯朱然

三國志然字義封丹陽故章人朱治姊子也本姓施孫權奇其才以為丹陽太守會山賊盛起然平討之旬日而定封西安鄉侯呂蒙病篤薦然胆守有餘可代遂節鎮江陵

按職方乘豫章書西安縣隸豫章郡建安四年析海昏建昌地置今南昌府武甯縣是也

晉豫甯伯謝玩

晉書謝安傳謝元請以先封東興侯賜兄子玩詔聽之更封玩豫甯伯

按晉太康元年改西安為豫甯縣太平寰宇記云即今武甯

晉永修縣侯桓

伊

晉書本傳桓伊字叔護國銍人字叔夏有武幹標悟簡率為王濛劉惔所知累官淮南太守以功封宣城縣子及破壘泚水進封永修縣侯卒謚曰烈子肅之嗣卒子陵嗣

宋受禪國除

按名勝志晉分艾地置永修縣以修水為名隋省入建昌唐折建昌置武甯而永修不復分則永修已屬武甯安志謂屬靖安與置縣名義不符白志謂屬甯州而晉書地理志載豫章郡統縣十六艾與永修並列艾城在今甯州則永修

武甯縣志

卷二十一

封爵

二 三百六十字

非復甯州地其應屬武甯無疑矣

宋永修縣侯劉

仲容

宋書江夏王傳劉伯禽弟仲容封永修縣侯為前廢帝所殺謚曰傷侯

永修縣公檀道

濟

宋書本傳道濟文帝本紀元嘉高平金鄉人初十三年二月誅從高祖立戰功國除

封唐縣男尋參佐命改封永修縣公食邑二千戶太祖即位進征北將軍封武陵郡公食邑四千戶不就後朝廷以道濟立功先朝威命甚重疑畏之收付廷尉道濟脫冠投

地曰乃復壤爾

萬里長城

豫甯侯王曇首

宋書本傳曇首

瑯邪臨沂人太

業嘗兄弟分財

恒取圖書高祖

嘗問宏曰卿弟

何如鄉宏答曰

若但如臣門戶

何奇高祖又嘗

謂太祖曰曇首

沈毅有器度宰

相才也汝每事

咨之後乞守吳

郡太祖曰安有

欲建大厦而遺

其棟梁者乎卒

贈光祿大夫追

封豫甯侯諡曰

文子僧導嗣為

元凶劭所殺世

封爵

武甯縣志

卷二十一

封爵

三

三百十四

祖即位追贈光

齊艾縣侯劉懷

字道玉平原人

珍

漢膠東康王之

後初封廣晉縣

子泰始二年平

殷琰改封艾縣

侯食邑四百戶

建元四年卒追

贈鎮北將軍諡

曰敬子靈哲當

襲封哲以兄子

景煥在魏存亡

路史吳有艾縣即今武甯

未測不忍越當

茅土朝廷義之

靈哲傾產以贖

累年不能得武

帝閱焉令北使

告魏主送景煥

南還遂襲爵

按兄子景煥通

志作兄景煥誤

梁武甯郡王蕭

梁書十一王傳太威字仁容美

大威

風儀眉目如畫大寶元年封武

甯郡王邑二千戶二年出為丹陽尹遇害

按唐長安四年始置武甯縣此時不應有封况武甯尤無郡之名稱始依通志訂入而辨其誤如此

豫甯縣公王亮

梁書本傳亮字天監二年元日奉叔瑯邪臨沂朝會萬國亮辭

人晉丞相導六疾不登殿為御世孫也初拜竟史中丞奏削爵

陵太守在職清國除公有美政累遷

尚書吏部郎銓序著稱高祖受

禪引參佐命封豫甯縣公邑二千戶

豫甯縣伯馮道

梁書本傳道根字巨基廣平魏

武甯縣志

卷二十一

封爵

四

三百五十一

根

人少失父事母以孝聞召為主簿辭不就曰吾

當封侯苟食安能為吏耶高祖

即位以戰功封增城縣男邑二

百戶天監六年伐魏有功益封

三百戶進爵為伯改封豫甯縣

卒諡曰威子懷嗣

豫甯縣侯裴之

梁書裴邃傳之

橫

橫字如岳河東聞喜人少好游

俠兄之高為狹被蔬食以激厲

之之橫曠曰大丈夫富貴必作

百幅被太宗辟為常侍太清中隨王僧辯拒侯

景於巴陵景退
遷持節平北將
軍封豫甯縣侯
邑三千戶乃作
百幅被以成其
志承聖三年江
陵陷齊高渙拔
貞陽侯攻東關
之橫戰沒贈司
空謚曰忠壯子
鳳寶嗣

陳永修縣侯陳
擬

宗室列傳擬高
祖從子高祖踐
祚例封永修縣
侯邑五百戶天
嘉元年卒贈領
軍將軍謚曰定
子黨嗣

豫甯縣侯陳祐

南史陳擬傳祐
高祖從孫永定
元年封豫甯縣
侯邑五百戶

武甯縣志

卷二十一

封爵

按陳書作豫章
縣侯祐通志誤
作祐

宋豫甯郡公趙

宋史世系承祀
太宗後穎王嗣

承祀

武甯郡侯李椿

林志李椿浮梁
人政和中歷官
戶部侍郎兼直
學士院權吏兵
兩部封武甯郡
開國侯

按宋史李椿洛
州永平人靖康
之難父與兄俱
死椿年尚幼奉
母南走歷仕尚
孝兩朝以敷文

按晉書太康
元年改西安
為豫章縣文
獻通考作豫

五
三百四十

甯二書互異
而陳祐封爵
陳書南史亦
復不同豈當
時固二名並
稱耶
按太平寰宇
記陳永定三
年于甯縣
立豫甯郡尋
廢而宋封爵
尚用其名

閩直學士致仕
朱熹銘其墓無
封侯事第依林
志訂入

元武甯王徹徹

元史諸王表至
治二年命徹徹

禿

禿總兵北邊封
武甯王至順二

年改封鄴王按
通志作泰定三

年封誤

又通志載西安
王阿威納答失

里查元史阿刺
忒納失里封安

西王賜安西王
印通志實誤削
不載

右漢吳晉宋齊梁陳宋元凡十八人

按封爵以藩王室國史及郡邑志皆詳紀之武甯古艾

國其封建遠不可考漢以後爵秩稍見於史氏齊梁陳

武甯縣志

卷二十一

封爵

六

二百六十三

宋元封號益繁然皆未嘗之國惟食戶進階虛擁名號
而已無功德可紀載故不具論但茅土酬庸五等辨位
則猶存古之制也謹按朝代錄其興廢乘除之迹訂其
遺舛表而存之

武甯縣知縣粵東何慶朝纂

名宦

惟王建國以牧斯民九閭蔀屋萬里焉聞惟資守宰字此芸芸緬懷曩哲異績紛綸賈父杜母千載流芬巖疆如武地瘠民貧撫循噢咻實賴慈君胙土至今幾世幾年人往風微口碑在焉甘棠有蔭仰止彌殷志名宦

吳

太史慈字子儀青州人時劉表從子磐驍勇數侵艾與西安諸縣孫策患之分海昏建昌左右六縣以慈為建昌都尉治海昏並督諸將拒磐磐由是不敢復犯艾境後權立以慈能南方事悉以委之建安十一年卒

武甯縣志

卷二十一

名宦

七

三百六十八

唐

范建殊天寶四年始遷武甯縣城於玉枕山前相形勢正方位城池解署一成不變皆建殊櫛沐締造之貽也祀名宦

南唐

盧儔字世美范陽人南唐李氏時正議大夫知制誥兵部侍郎封尚書出為守邊將屯兵武甯南岸大興水利陂堰溝澮凡百數溉田萬餘頃轉磨礮數十區所稱磨源隴將鼓嶺皆其遺蹟南唐亡遂家於此今武甯盧氏悉儔後裔也邑人感儔德立廟祀之詳楊進士三益記儔子絳有孝行見人物志

宋

呂晉夫以字溫陵人元豐時令以俎豆化民緩不傷義急不妨仁堂有卧治之休里無追呼之擾雙井黃庭堅稱其爲政平易訟庭寂然雙井距縣二百里晉夫輕車過訪與魯直論文清坐淪茗終日不厭嘗於縣署東偏爲軒曰東軒魯直爲之銘祀名宦

按山谷集有與呂晉夫帖在元祐六年七年舊志載元豐時令或在元豐元祐之閒亦不可考

孟浩字養直宜春人乾道進士知武甯有聲王蘭白豫章召參大政力薦之朝選國子監丞出知湖州與貴幸忤罷歸起爲潼川路轉運判官尋以直秘閣提舉四川常平捐廉不妄取與強毅精敏洞見事情常以州判官攝臨江軍奉給一無所受著有廳技集據省志增入

武甯縣志

卷二十一

名宦

八

四百七十八

楊方字子長汀洲人朱子高弟任縣丞雍容文雅廉靜莊嚴佐政有聲時學祖爲司計者乾沒方爲量其出入儲所贏以備祭器署靖安令清風藹然不下堂階而游刃有餘盡日垂簾門庭閑靜嘗作詩云堂上官人似散人村人相見且相親高陂約水歸田急不管灘聲入縣門一時政績風味殆可想見矣祀名宦

元

帖木兒色目人任達魯花赤至正壬辰土寇張普獻率眾攻城勢甚危急帖木兒募義士出戰臨行謂主簿楚彥曰我輩身受國恩委身報効在此一時不可爲此輩屈遂麾眾迎賊於東關外不勝死之祀名宦

楚彥至正閒主簿時土寇張普獻攻縣與帖木兒協力守

城帖木兒遇害彥攘臂大呼力屈同死焉祀名宦

明

但元行安陸州人洪武元年令兵燹之後城野悉空元行招集流亡唯日不足民以安堵已乃葺公署修城垣興水利勸開墾奮然有勃興始事之規卒於官子孫家焉祀名宦

盛文郁字東民錢塘籍先世河南歸德人元進士事母以孝稱洪武二年任縣事時離亂初定民氣未復又前令元行所欲舉者方草創未及暮而亡文郁躬至田間督民墾荒疏水往復不怠始建大堂聽政自植栢樹又興學宮與諸生講學沐浴經史以儲一代人材時復吟詠山水蕭然自怡民食其德至今愁柏下者猶不忘盛公

武甯縣志

卷二十一

名宦

九

三
四百五十八

手澤云著有東民集卒於官祀名宦今所稱名宦世家皆郁之苗裔也

鄭觀福建人永樂閒丞時武甯志燬於元末兵燹宋元人文漸滅殆盡觀惻然感傷徧訪學人殘編及故老傳聞葺爲草本邑之遺緒賴以少存觀功爲多

殷景暹烏程人永樂閒丞廉明慈惠士民懷之九載任滿應遷民不忍其去赴臺省乞畱得允所請在任二十四年所行多可紀者卒於官子孫占籍本邑祀名宦

黃雋字世用閩縣進士成化閒任縣事廉明古樸吏不敢欺時有勾致流屍折其脅骨誣爲讎家毆斃者前令久不能決雋至省視所傷曰骨爲毆傷胡從內而折之外耶誣者遂服其平反類多如此祀名宦

王僑崑山人由進士成化間知縣事治績莫可考然父老傳稱莫不知有崑山王侯者公論歷久不泯其爲人廉善可知祀名宦

應元徵象山舉人任教諭事始至謂諸生曰廣文雖冷官然國家人材所從出不可以苟居取朱子白鹿洞學規揭之齋舍課士以此爲程嚴而有序詳而不瑣一時之士多所成就祀名宦

馮琦字潤卿鄞縣人由舉人知縣事廉明正直留心風俗學宮官廨祠宇一時並新民無力役之苦宋元志板燬於兵琦手自編葺歸然成集本邑遺人遺事存什一於千百者琦與有力也祀名宦

沈秀錢塘人太學生宏治間訓導學行甚正論文以理爲

武甯縣志

卷二十一

名宦

十

四百六十三

宗以法爲輔以氣爲生死動靜之機時好學者多受業焉秀淹通經史尤邃於春秋邑之攻麟經者皆其所授編校邑乘秀與有勞焉祀名宦

毛駢字汝健麻城舉人任縣事淵博有鴻才處已清慎尤以誨人爲急每公餘卽就儒學授諸生以經營謂文不本於六藝雖博科名卒無實用於是一時人士莫不以通經治古爲務又慮民俗野樸刻四禮圖註陸士衡兄弟論以示勸學宮祭器不備駢範銅爲之俾可永久至今尙有存者祀名宦

按駢所鑄祭器散亡之餘僅存銅爵十一枚各識正德二年武甯縣知縣毛駢置十二楷字乾隆三十七年教諭蔡錕物色珍重之藏以木櫝注籍掌焉學中

數百年法物割守咸致其誠摩淬之下寶光奪目不勝畱連慨慕云

陸浚桂平舉人初任永福安仁教諭嘉靖間擢知縣事嚴正自持屏絕請託尤勇於任事以文廟地窪下遂遷於署西數百步形勢爽塏爲一邑人文之望田賦積久弊生閭閻大困浚審其荒熟硤腴劑量多寡徵輸以平武邑處萬山中鄰賊窺伺浚嚴追捕之期申保甲之令賊遂竄匿莫敢復犯當時有才吏之稱祀名宦

胡東陽字升之四川建昌衛人由歲貢爲令政崇大體不矜明察而發摘如神人無敢遁莅治凡九載置學田葺公署闢青雲街修大成殿土木歲興而民不擾真良吏也又續修縣志有序見藝文

武甯縣志

卷二十一

名宦

十一

四百七十三

寇可教應城舉人崇禎間令甫下車見文廟傾圮慨然爲之一新時徵輸暴亟人不堪其苦教刻木爲隸閭閻輸將者益勸諸生李善衡失禮於當路諷使汰之而善衡父子皆有文名教拔其子冠軍又以聞於學使曲爲開釋其轉移曲成多如此豪猾爲鄉曲大患前令不能禁教大剪其魁諸猾卒惴惴斂跡不敢爲害邑界吳楚之交興瑞草竊不時入掠教請於武甯城置守備以鄧子龍孫名禪者統之別立黃竹爲龍哨了髻爲虎哨募勇敢繕器械擐甲介馬無虛日草澤奸宄無或敢窺治所者莅武七載丙子行取畱部累官陝西右參議兼僉事屯田河北甲申三月廿九日罵賊死祀名宦

孔貞恒山東兗州人恩貢生順治三年任知縣時方定鼎風鶴未息土寇柯伯先鳩合羣醜攻城城陷縱火劫掠縣署儒學皆災貞恒曰吾不能與此賊俱生矣遂直馳入省請益兵擊賊願以身先士卒於是副將楊某孔某二將舊志失其名奉撫軍令勦賊恒身為嚮導從箬溪直搗賊營禽伯先散其餘黨柯賊平

王道隆富平人由進士任縣令莅政明敏不屑苟安尤務為利民事以德勝門外漕船當江流之險不免踈虞乃令各里輸金得二千餘兩買惠民門外劉宦地建廳房倉廩若干閒倉既居深穩處漕船悉泊倉前遂無他患至今永享其利蓋順治十一年事也

馮其世號際生雲夢人恩貢順治辛丑知縣事時田賦屢

武甯縣志

卷二十一

名宦

三

五百〇八

經蹂躪積困日甚其世請均丈平賦民以少紓南昌郡乞減浮糧有誣武甯為偽漢生身之地獨無浮糧友諒本沔陽人其世據明史力爭不聽最後上書情詞激切其畧曰八屬皆係赤子而武邑獨困浮徵沔陽漁人國史視同稗史友諒生身仇筆遂為鐵筆非憲臺之恩不下湛由縣令之誠不上孚請予其世以溺職之條免使百姓負覆盆之苦書上不報其世每引咎自責以為令武一缺陷事康熙丙午復修縣志有序見藝文

鮑泓號竹洲浙江鄞縣人由舉人任縣令甫下車即捐貲修城踰年白頭兵由靖安入寇泓乃飭諸鄉勇自為團練各禦一方而簡其精銳入城給以口糧嚴為之備遂同守備馬文燦率鄉勇敗賊於瓜源又敗之於南鄉平

坑賊西奔陷甯州明年乘勝東下圍縣城泓與文燦誓死堅守又令鄉勇設疑兵以誑賊與相持者五晝夜會都統朱率援兵至賊驚駭解圍而遁泓文燦率兵躡其後大破之已而賊復圍城因設伏夾擊又大破之武甯前後被寇數年兼值水旱饑饉相頻仍泓簡閱兵民籌畫糧餉一以信義相激發故鄉勇人人効死力而所向有功至於告災告急請賑請蠲諸文牒情詞懇切如聞呼籲之聲泓實大有造於武甯也事詳所著定變畧中後以軍功內遷建生祠於登仕橋側卒祀名宦

馬文燦江甯人幼習韜鈴有胆畧善戰能以少擊眾由進士任武甯營守備與知縣鮑泓善泓亦倚重文燦稱莫逆值白頭兵入寇泓鳩率鄉勇籌辦軍需以資文燦又

武甯縣志

卷三十一

名宦

三

四百九十八

燦則出奇設伏東擊西殲歷三四年不少懈而屢戰屢克勞加於泓故甯州靖安建昌皆被禍獨武邑無虞文燦之力也後泓以軍功內遷而文燦格於吏議鬱鬱以死士民至今深悲之文燦弟文煒鄉人所稱馬七者亦英武善戰平原之役斬獲尤多皆於武甯有功而旌典尙有待云

朱炯高安舉人任教諭事大學士朱文端弟也循循雅飭若不勝衣及與人論古今得失是非委曲詳明神色皆充課士以忠信爲基不屑屑於聲聞詞章時文端操守甚嚴趨承者不得其當炯司鐸武甯莫不欲借爲梯緣而炯樸訥如村人諸達官不能識其面往復江省一蒼頭供茗燕焚香嘿坐淡如也後以母憂去

田大璽江南鳳陽人由進士任縣事以文名於時性甚清苦不攜內不任幕親校簿書水署一燈熒熒達旦從者欠伸欲睡璽曰汝輩倦且休吾爲

朝廷吏不能自逸也嘗稽課稍有羨餘書其名姓而還之一旁吏謂其中有不足者盍以此益之璽笑曰此所謂巧取法也不聽卒還之又請減存倉耗米如于石去之日行李蕭然行篋中唯送行詩叙數卷而已

吳之彥字碩夫江南儀徵人以舉孝廉任端居嚴正人得一笑語如獲重賜丞尉非公事不見左右近習凜然冰淵武甯舊有逋積前任率任吏書輒轉蒙蔽又糧籍以都編十遞名曰遞總令唯居成數考較小民虛實掌於書吏令不得一省視之彥以田賦分割各爲一紙里民自輸正供之外一無所費民以益勸暮年遂竣武邑歲無留逋自之彥始十年轉刑部主政卒

附宦蹟

武甯縣志

卷二十一

名宦

古

四百三十六

宋

徐景道元祐間尉素從黃山谷遊好學能文及爲尉山谷送以詩曰當官莫避事爲吏要清心景道縣清心二字於堂治事之餘琴書自適人皆稱爲清尉

趙尹嘉定間由大理評事爲縣令明敏有守監司郡守皆賢之縣南舊有浮橋久廢尹乃治梁舟五十二座藉板八十四丈治鐵爲纜二千尺有奇又置田八十八畷營室十有一楹以久其存

洛水集

明

毛丕功未詳何處人正德間知縣事華林賊寇武甯孤城
戒嚴前令盛文郁之母王夫人見夢謂丕功曰吾佑汝
自當無恙及府尹李承勳來討賊見空中有冠帔人護
戰遂敗賊丕功治行不概見而能格神明保城邑殆亦
一時之賢令也

任繫嘉善人嘉靖中選貢由萍鄉訓導遷教諭性莊嚴未
嘗見疾言遽色尤能謹視學宮新敬一亭及名宦鄉賢
二祠又修明倫堂兩廡神位樹戟門規制大備皆自繫
倡之後遷河南府教授

葉棣興國州舉人嘉靖四十二年任縣事有廉仁之頌時
城址爲江水所嚙久廢不治棣以爲憂慨然議築率民
輸金執役踰年而功遂成屹然百里閒一巨觀而保衛

武甯縣志

卷二十一

宦蹟

十五

四百八十五

始有所賴云

朱士佳晉江進士爲縣令愛民好士舊令程子侃創講堂
書舍於東南渚時受水侵佳徘徊西郊挹江山之勝遷
其屋於龍潭上曰雲龍書院歲凶民饑躬巡行鄉谷勸
民出粟賑濟暑月不憚劬勞遂卒於官民甚悲之

張應徵南克舉人知縣事立政立法百度一新尤好獎士
有能文者雖童子亦爲賓主禮邑有社倉社學自徵創
其始及遷州牧民不忍舍肖像普濟寺祀之

陸世功邳州人由選貢知縣事好學善屬文雖吏治旁午
手不停披嘗設金蘭會與諸生講經論文茗酒爲歡若
師友然民鬪牛疫盛行貧者力不能購至負犁以耕世
功見之惻然曰吾民苦至此耶捐俸助之九鄉賴以下

種者甚眾歸之日囊橐蕭然時論高之

李呈芳全州舉人政尚嚴明事多綜核凡有損於民者悉汰之尤剔奸蠹曰害吾民者此也邑號神君調廣昌縣行取戶部主事

周道昌全州舉人萬曆三十五年令初漕兌省城風波爲險往往衝激淪沒昌乃創立水次別爲倉儲以紓民患又南解米累甚苦哀請於上罷之令民自運公私費悉汰歲可省數千金城南渡以浮橋昌易爲舟民甚便之東關虛曠地氣頗洩昌倡植楹樹數千株蔚然成林歷今數百年猶有餘蔭云昌以入覲轉遷口碑在民者沒世不衰如此

徐士華內江舉人廉能明肅精於吏治鄉里舊俗輕生小

武甯縣志

卷二十一

宦蹟

六

四百二十八

隙輒仰藥縣令不爲昭雪胥吏百端追求華至立置一二人於理民知捐生無益保全甚眾莅任五載風節清峻吏畏民安救時之良令也

璩伯崑桐城人歲貢知縣事明末戶役不均小民凋瘵實甚崑爲政勤於撫字緩於催科卒以課最行取民德之立生祠祀焉

雷勝張子璉籍貫未詳俱崇禎間本營哨官十六年靖安賊李宿七聚黨據乾州攻掠旁縣勝子璉率兵勦之不克沒於陣

國朝

黃獻宸通山人歲貢順治間縣丞居官清慎莅下慈祥時縣令李天民苛暴有閻羅之稱嘗一日斃三命哭聲徹

城郭獻宸哀勸不止泣然出涕曰丞以貳令令若此尙爲之貳耶遂引疾去

王簡之北通州人由進士知縣事小心抑畏平易近人間里無追呼之擾而簿書期會未嘗後時公庭闐然無人唯日與士大夫賦詩論文投壺雅歌有古人卧治遺風以老休士民建生祠於曹婆洞側

徐又達江南鎮江人康熙間知縣事時邑多疑獄達至以三月內一洗陳牘剖斷如流兩造具服年饑民絕食有請以開糶聞於上者達曰民饑至此聞而後賑民其孳矣立開常平倉平價出糶全活饑民甚眾甫期遂以憂去

熊淑秀建昌縣人廩貢任教諭故事生徒食餽者貢者例

武甯縣志

卷二十一

宦蹟

七

四百七十一

有所入多寡厚薄視貲產爲贏縮若有成數門者以告秀曰此牙僧我也豈可行於師生閒遂一洗而空之然門下士亦未有負者教人以立品爲主經濟次之文藝又次之言語衣冠皆足爲人師範遷本府教授

胡自新山陰人任縣尉性清行慤事邑令甚謹然不以非禮相干閉門灌園膏火不繼室人有怨歎聲新曰獨不聞閔仲叔不以口腹累人耶卿姑忍之而已其恬靜如此新好學善草書嘗吟詩有閒留夜月披青史靜倚寒松看白雲句人以爲韻尉

嚴在昌浙江仁和人以名進士令事繼母甚孝聞母至踰跟趨城門外跪伏道左迎母入署母或不懌則長跪待罪母霽乃已士民歎服爲政簡肅坐鎮如山一時囹圄

爲之一空以能遷州牧

彭錫珩號玉齋分宜人由副貢任教諭性廉潔終日讀書種花爲樂喜獎進後學每引孟論文及古人行已可法者津津千萬言至夜闌不倦所得俸錢買酒不足質以衣裘厨無宿糧蕭然自適有鄭廣文之風歷十八年以老致仕歸士人不忍其去賦詩戀別畱江干旬日不得解纜云

鄒應元江蘇金匱人由進士任縣令甫下車年饑穀貴因厲販運之禁以濟民食又重建義學士民樂捐田畝而規制大備邑志舊文缺陋前令劉宏畧奉檄興修未能竣事應元至竭力續纂足稱完善然卒以不協輿情致滋指駁再上不允書遂廢至今士林得其遺稿者猶寶

武甯縣志

卷三十一

宦蹟

六

四百六十五

貴之有傳見藝文

宋調元字理堂江蘇人儀度儼然才識明敏承新設義學之後士氣寢上嚴其督課甲乙不少瞻徇暇輒卽講席與諸子推究聲律之學一時學者多所成就鄒志旣廢奉檄重修調元悉力考覈務爲信乘以調鄱陽令去志不果成

萬友正字端士雲南阿迷州舉人乾隆二十二年知縣事甫下車卽以培地脈振士氣爲先務置義學田若干畝以資膏火考課嚴明遇朔望必親詣其地與諸子口講指畫褒嘉無已雖羈省必郵寄課題卒無虛日嘗於觀音閣構登山臨水之亭以補文峰見下砂空曠諭民種柳直接獅崖蔚然深秀乾隆二十九年奉文勸捐普濟

育嬰二堂設法獎勵一時士民響應計得地三十畝有奇後以終養去士民惜之

蔡鏡貴溪人由拔貢任教諭學識淵雅操守特嚴絕無俯仰干謁之累語人一以好學立品為宗諳諳不倦尤喜獎勵孝義實行或有以兄弟親戚來訟者務勸釋之不可得則託人處分卒不為理上丁祭祀必正衣冠躬掃除不任書役其敦行古道類如此久之以老致仕尚負市項百緡不得行邑人爭餽遺之償所負竟去不畱一金其清高洵不可及云

黃泌山西代州人由進士知縣事清廉剛直洞悉民隱文卷不任幕友皆出已裁危坐一榻非奉呼喚雖家人不敢近胥吏望風承顏靡不股慄遇民事剖斷如流卒無

武甯縣志 卷二十一 宦蹟 九 四百八十五

反覆乾隆戊子夏大旱率同官步行四十里抵石鑊洞求雨未幾甘霖大沛士民稱慶以賢能最調淨梁令

梁鳴岡號翔軒廣東嘉應州舉人庚寅令武甯前後十年諭紳士重修文廟纂葺縣志陞同知未赴任旋卒於官

朱聖哲雲南通海舉人以嘉慶元年授縣事初任風厲有聲諭合邑紳士建塔於東渡之南又建小塔於鳳翅嘴山自此鄉會特盛合邑稱為培補之功後以事去補直隸南宮縣宰

王寰江蘇無錫人乾隆庚戌進士知縣事平心折獄禮士愛民民咸服之嘉慶三年甯州教匪滋事巡撫張誠基提吉贛南昌營兵由奉新越茅竹山以往別調鄱湖饒州諸營兵由武甯西上武與甯接壤當是時羽檄飛馳

人皆怖懼加以大兵猝至絡繹鄉城數晝夜不絕公以一身捍當其閒緩靖吾民兵稍有需索卽臨以杖譴曰若告汝長吾不重一令以害吾民已而事平巡撫統兵由武甯城回省合邑商農安堵如故越二年卒於官至今言及者猶欷歔思慕不置云

陳雲章號秋河福建莆田人初成進士令樂平旋調武清勤自矢政尚嚴明治踰年吏民畏服訟獄衰息於是留心教養改建正誼書院勸捐累鉅萬金已乃廣課額厚膏火謹規條歲羅英俊而飲食教誨之他如

上諭亭文廟

文昌宮儒學署諸大工次第告竣時

中丞

程檄修縣志暨通志育嬰經費秋河益殫精研慮簡邑紳士設局兼理越二載經費集志書成躬膺

大吏疏

武甯縣志

卷三十一

宦蹟

三

五百十一

舉調臨川去之日紳士歌詩溢行篋百姓頌禱盈途邑父老有百十年盛事僅見之歎

朱良翰號松齋陝西咸甯舉人視篆樸實廉明愛民如子而治家人吏役綦嚴未幾家人陸續告去乃命宅門懸銅鉦有事則鳴鉦躬親出理自是吏弊絕下情通百姓並受其福武漕民運官兌歷任省倉辦事家丁甚夥每歲倉用不下八百餘金朱令儉勤率下下人類苦而之他運至官自驗收是歲倉用僅八十餘金既私絕包苴而公費自裕民咸樂之歲辛卯邑水災悍民滋事長樂尤甚令亟禁止嚴治渠魁境內安定暇卽留心正誼書院增廣陳令課額膏火手輯增訂規條一卷實心樂育士感彌深惟是至清無徒往來行人恒不如意屢請諸

上司積毀滋疑時將受代適邑諸生以令拯災德政具稟大憲乞留羣疑乃釋厥後士民去思不已僉奉明府朱松齋先生生王祠書院先賢朱文公祠

